

ARAU FISKALA, UDALAREN MUSIKA ESKOLAKO KURTZOETAN  
IZENA EMATEKO ETA PARTE HARTZEKO PREZIO PUBLIKOAK  
EZARTZEN DITUENA  
*19. ordenantza*

*Oinarria*

1. artikulua. Nafarroako Toki Ogasunei buruzko 2/1995 Foru Legearen lehen tituluko III. kapituluko 2. idatz-zatiko 2. azpiatalean xedatutakoari jarraituz ezarri da ordainarazpen hau, eta haren 28. artikuluko baimenaren babesean.

*Sorrarazpena*

2. artikulua. Ordaindu beharra kurtsoetan izena ematen den unean berean sortzen da eta hartan parte hartzen dutenek ordaindu beharko dute.

*Kudeaketarako eta diru-bilketarako arauak*

3. artikulua. Izena emateko kuota edo matrikula hura formalizatu baino lehen ordaindu beharko da, matrikulatzeko epearen barnean. Udalak bankuetan dituen konturen batean dirua sartuz egingen da ordainketa.

Udalak kurtsoa ezeztatzen duenean baizik ez da haizu izanen matrikularen prezioa itzultzea, edo bertzenaz eskaera egin duen ikasleak eskainitako espezialitateetan plazarik eskuratu ez duenean.

4. artikulua. Ematen diren eskola edo saioengatik, kurtsoko kuotak, tarifetan adierazten direnak, hiru epe berdinetan igorriko dira: lehen epea, irailean; bigarrena, abenduan; eta hirugarrena, martxoan. Horri dagokionez, ordainagirien ordainketa bankuko kontu batean helbideratu behar da; hura zein den matrikula egitean adieraziko dute matrikulatzen direnek.

5. artikulua. Eskolan kurtsoa hasitakoan onartzen diren ikasleek matrikula osoa ordainduko dute, eta irakaskuntzari dagozkion tarifak, berriz, ikasturteari falta zaizkion hilabeteen arabera, izena zer hilabetetan ematen den, hura barne dela. Jadanik matrikulaturik egonik beren borondatez Eskola utzi nahi duten ikasleek idatziz eskatu beharko dute, ez baita ahozko eskaerarik onartuko. Eskola uzteak ondorio hauek ekarriko ditu: a) Ez zaie inondik ere itzuliko matrikulagatik ordaindutako zenbatekoa. b) Uzteko eskaera irailaren 15a baino lehen gertatzen bada, ez da 4. artikuluan aipatu diren epeen kuota bakarrik ere ordainduko. c) Uzteko eskaera irailaren 15etik eta abenduaren 15a baino lehen gertatzen bada, lehen epea baizik ez da ordainduko 4. artikuluan aipatu direnetarik. d) Uzteko eskaera abenduaren 15etik eta martxoaren 1a baino lehen gertatzen bada, lehen eta bigarren epeak baizik ez dira ordainduko 4. artikuluan aipatu direnetarik. e) Uzteko eskaera martxoaren 1aren ondoan gertatzen bada, hiru epeak ordaindu beharko dira 4. artikuluan aipatu direnetarik.

6. artikulua. Antsoainen erroldaturiko ikasleak baizik ez dira onartuko arau honen tarifen eranskinean aipatzen diren 1 eta 2. mailetako kurtsoetarako.

Eskolako gainerako aukerretarako (banda, helduen abesbatza, gitarren taldea) Antsoainen erroldatu gabeko ikasleak onartzen ahal dira, betiere leku hutsak gelditzen badira.

*Tarifen aplikazioa*

7. artikulua. Ordaindu beharreko tarifak arau honen eranskinean agertzen dira, eta Balio Erantsiaren gaineko Zerga beren baitan izanen dute, hala badagokie.

8. artikulua. Arau honen eranskineko F epigrafean dauden murriztapenei heldu nahi dietenek agiri hauek aurkeztu beharko dituzte nahitaez:

Familia unitateko kideen PFEZare aitorpena, hura egitera behartuta daudenena, bederen, buruturiko azken zergaldiari dagokiona.

Familia unitateko kideetan PFEZare aitorpena egitera behartuta ez daudenek urtean jasotako diru-sarrerara gordinen aitorpen arrazoitua, eta horrekin batera, Foru Ogasunaren ziurtagiria, aitorpen hori egitera behartuta ez daudela dioena.

9. artikulua. Familia unitatearen urteko diru-sarrera gordinak dira hau guztiaren batura: zerga-oinarriaren atal orokorra, aurrezkiaren oinarri likidagarri berezia eta aurkezten diren PFEZaren aitortpenetik salbuetsirik dauden errentak, gehi aitortpen horietan sartu gabeko diru-sarrera gordin arrazoituak.

10. artikulua. Familia unitatearen per capita errenta da diru-sarrera gordinen baturaren eta hura osatzen duten kideen kopuruaren arteko zatidura.

11. artikulua. Tarifak aplikatzeari dagokionez, familia unitatea da Pertsona Fisikoen Errentaren gaineko Zergari buruzko Foru Legearen

Testu Bategina onesten duen 4/2008 Legegintzako Foru Dekretuaren 71. artikuluan definitzen dena. Hura 2008ko 80. Nafarroako Aldizkari Ofizialean argitaratu zen, ekainaren 30ean.

## KURTSOAK, IRAKASGAIK ETA PRESTAKUNTZA SAIOAK

A epigrafea.–1. mailako kurtsoak:

1. mailan Musika Hastapena irakasgaia baizik ez da ikasten, hiru-lau urtetik sei-zazpi urte bitarteko ikasleei zuzendua. Irakasgai honek honako irakas-denbora hauek ditu:

KURTSOAK	IRAKASGAIA	SAIO KOPURUA
1. kurtsoa, 3-4 urte	Musika Hastapenak	astean 2, 30 minutukoak
2. kurtsoa, 4-5 urte	Musika Hastapenak	astean 2, 40 minutukoak
3. kurtsoa, 5-6 urte	Musika Hastapenak	astean 2, 40 minutukoak
4. kurtsoa, 6-7 urte	Musika Hastapenak	astean 2, 40 minutukoak

Taldeek gutienez ere 6 lagun izanen dituzte eta gehienez ere hamaika.

B epigrafea.–2. mailako kurtsoak:

Maila, sei-zazpi urtetik hamaika-hamabi urte bitarteko ikasleei zuzendua. Haren ezaugarria da musika tresnaren praktika eta, harekin batera, musikaren prestakuntza globalizatua, Musika hezkuntzaren bitartez.

KURTSOAK	IRAKASGAIK
Prestakuntzako kurtsoa, 7-8 urte	Musika Hezkuntza, asteen 2 saio, 45 minutukoak
1. Kurtsoa, 8-9 urte	Musika tresna, bakarka asteen 20 minutu, eta taldeka asteen 20-30 minutu
2. kurtsoa, 9-10 urte	Prestakuntza osagarria: Abesbatza (1gotik hasita)
3. Kurtsoa, 10-11 urte	Musika Hezkuntza, asteen 2 saio, 55 minutukoak Musika tresna, bakarka asteen 25 minutu, eta taldeka asteen 30-45 minutu
	Prestakuntza osagarria: Abesbatza
4. Kurtsoa, 11-12 urte	Musika Hezkuntza, asteen 2 saio, 55 minutukoak Musika tresna, bakarka asteen 25 minutu eta taldeka asteen 30-45 minutu.
	Prestakuntza osagarria: Abesbatza.

2. maila honetako nahitaezko irakasgaiak:

a) Musika hezkuntza, taldean gehienez ere 12 ikasle izanen direla eta gutienez ere 6; kopurua tikiagoa baldin bada, irakas-denbora ikasle kopuruaren araberakoa izanen da.

Adinaren kariaz Musika Hezkuntzako 1., 2., 3. edo 4. kurtsoa ikasi behar duten ikasle berriek sarrera proba gairitu beharko dute.

Aitzinetik musika ezagupenik izan ezean, talde baterako ezarritako gutienekoa (6 ikasle) betetzen duen talde berria (sarbideko kurtsoa) eratzen bada baizik ez dute tokia lortuko.

b) Musika tresna, modu hauekin:

Prestakuntza kurtsoetan, 1 eta 2.ean, eskolak bakarkakoak izanen dira, asteen 20 minutukoak, eta taldekakoak, asteen 20 minutukoak (2 ikasle) edo asteen 30 minutukoak (3 ikasle).

3. eta 4. kurtsoan, eskolak bakarkakoak izanen dira, astean 25 minutukoak, eta taldekakoak, astean 30-45 minutukoak .

Ikasleek eskatuta eta musika tresnaren espezialitateko irakaslea elebiduna baldin bada, banakako eskolak euskaraz nahiz gaztelaniaz eman daitezke.

Taldekako eskolak adin eta maila parekoen arabera antolatuko dira.

Kasu hauetan ematen ahalko da bakarkako eskola, astean 30 minutukoa, eta hori baizik ez:

Ikasle bakarra badago, kurtsoan matrikulatua.

Irakasleak halako ikasle batez, pedagogikoki arrazoiturik eta haren prestakuntzari on egin nahian emandako orientabide baten kariaz.

1. edo goragoko kurtsoak ikasi behar dituzten ikasle berriak.

Zer eskaera dagoen, horren arabera baloratuko da musika tresna berriak sartzea, betiere gutienez ere 4 lagun baldin badaude espezialitate berean interesaturik.

c) Prestakuntza osagarria: haurren abesbatza.

Nahitaezko irakasgaia da, gutienez bata bertzearen ondoko bi kurtсотan ikasi beharrekoa (1. kurtсотik aitzina). Taldekako espazio eta irakasgaia da, xedea duena ahots teknikaren ezagupen batzuk eskuratzea. Abesbatzaren bidez, taldekako interpretazioaren praktika eskuratzen du ikasleak.

C epigrafea.–Musika tresnen taldekako praktika (banda):

Haize eta perkusioko musika tresnen taldea, xedea duena musika tresnen taldekako praktika lantzea eta hartan atsegin hartzea.

11 urtetik goitiko ikaslearendako; musika ezagupenak izan beharko ditu aitzinetik eta horiek frogatu beharko ditu eta/edo proba tiki bat egin.

D epigrafea.–Helduendako abesbatza:

Helduendako abesbatza taldekako espazio eta irakasgaia da, xedea duena ahots teknikaren gutieneko ezagupen batzuk eskuratzea. Orobat, bertze xede bat da bertze abesbatza batzuetan kantatu duen ikasleari ahotsaren kokapena eta kanporatzeko manera berriz lantzea. Taldekako interpretazioaren praktikak aukera emanen dio ikasleari pertsona bakoitzak talde baten barnean duen garrantziaz.

E epigrafea.–Gitarra taldea:

Talde bakoitzean gutienez ere 4 lagun izanen dira.

#### 2011/2012 IKASTURTERAKO TARIFEN ERANSKINA

A epigrafea.–1. mailako kurtsoak:

Kurtsoan izena eman edo matrikula egiteagatik (kudeaketa eta administrazio gastuak): 56,30 euro.

1. kurtsoko irakasgaien irakaskuntzagatik, 237,63 euro kurtso bakoitzeko.

2., 3. eta 4. kurtsoetako irakasgaien irakaskuntzagatik: 304,80 euro ikastaro bakoitzeko.

B epigrafea.–2. mailako kurtsoak:

Kurtsoan izena eman edo matrikula egiteagatik (kudeaketa eta administrazio gastuak): 56,30 euro.

1., 2. 3. eta 4. prestakuntza kurtsoetako irakasgaien irakaskuntzagatik: 614,70 euro ikastaro bakoitzeko.

C epigrafea.–Musika tresnen taldekako praktika (banda):

Kurtsoan izena eman edo matrikula egiteagatik (kudeaketa eta administrazio gastuak): 56,30 euro.

Musika tresnen praktikarako kurtsoan egiten diren saio guztiengatik: erroldatuek 123,99 euro; eta erroldatu gabeek 184,14 euro.

D epigrafea.–Helduendako abesbatza:

Kurtsoan izena eman edo matrikula egiteagatik (kudeaketa eta administrazio gastuak): 56,30 euro.

Kurtsoan egiten diren abesbatza saio guztiengatik: erroldatuek 123,99 euro; eta erroldatu gabeek 184,14 euro.

E epigrafea.–Gitarra taldea:

Kurtsoan izena eman edo matrikula egiteagatik (kudeaketa eta administrazio gastuak): 56,30 euro.

Kurtsoan egiten diren gitarra saio guztiengatik: erroldatuek 234,99 euro; eta erroldatu gabeek 350,88 euro.

F epigrafea.–Kuoten murriztapenak:

Familia unitatearen per capita errenta lanbide arteko gutieneko soldataren %70etik %100era bitartean dutenek %5eko murriztapena izanen dute.

Familia unitatearen per capita errenta lanbide arteko gutieneko soldataren %50etik %70era bitartean dutenek %7ko murriztapena izanen dute.

Familia unitatearen per capita errenta lanbide arteko gutieneko soldataren %50etik beheiti dutenek %10eko murriztapena izanen dute.

Murriztapen horiek hartzen diren irakaskuntza edo saioen kuotak baizik ez dira aplikatuko; ez zaie aplikatuko izen emate edo matrikulazio kuotei.

Antsoainen erroldaturik ez daudenei ere ez zaizkie aplikatuko, ezta aitzineko ikasturtean eskoletara %85 baino gutiagotan etorri direnei ere.

Aitzineko epigrafe guztiendako oharra: Zehaztu diren kurtso edo espezialitateetarik bat baino gehiagotan matrikulatzen direnek kuota bakarra ordainduko dute "izen emate edo matrikulagatik".